

И той Люблевь останочный есть <sup>11, 1</sup> городок угорескый, стоит на лядской граници. И есть в нем дело <sup>2</sup> вугореские пенязи, новци зовутся, по 3 на золотой.

А от Люблева в Лядскую || землю до Судеча 6 миль; и той есть град л. 132 об.  
 велми добр. И ту быхом в пресветлыи и в превеликии праздник Христова воскресения. А от Судоча до Липници 4 мили. А от Липници до Вохны 2 мили. А в той Вохне соле копают, а град есть. А от Вохны до Кракова 5 миль. Ту убо видехом корья Володислава и брата его Казимира. Под Краковым река Висла; та убо река впала в море. А от Кракова до Бохны 25 врѣст. От Бохны града до места Воинича 4 мили. А от Воинича до реки Дунаица миля. А от Дунаица до града Терьнова миля. А от Терьнова до Пильзны 3 мили. А от Пилизны до Торопчици 4 мили. От Торопчици до Решева || 4 мили. От Решева до Ланцюха 3 мили. л. 133  
 От Ланцаха до Пригорьска 3. От Пригорьска до Ярославля 2 мили. От Ярославля до Радемны 2 мили. От Радемны да Перемышляя города 2 мили. А под городом Перемышляемь река Сян, другая Ярев, третиа Ярют. От Перемышляя до Мостица 4 мили. От Мостица до Вишене 2 мили. От Вишене до Городка <sup>3</sup> 3 мили. А от Городка до Львова <sup>4</sup> 4 мили, а врѣст 134. А от Фролензы до Лвова 600 миль без трех, а верст 2000 и 200.

А от Лвова до Галича 14 миль. И приидохом в Галич месяца мая <sup>5</sup> 21. <sup>6</sup> А оттоле опять приидохом в Лвов по Петрове дни на завтрее. И поехали есмя изо Лвова июня <sup>7</sup> 10. А от Лвова до Батятичина 6 миль. || А от реки до Белза града 3 мили. От Белза до Видкова, где вишни, л. 133 об.  
 3 мили. От Виткова до Хрубешева 4 мили. А от Хрубешева <sup>8</sup> до Лещан 5 миль. А от Лещан до Хольму 3 мили. А приехали есмя в Холм в Ильин день. В Пантелеимонов же день в среде месяца июля <sup>9</sup> 26 <sup>10</sup> бысть буря велика з дождем, и храмы потрясаше. На утрия же в четверток в 20 <sup>11</sup> того же месяца выехахом ис Холму и ночевахом у пана у Ондрюшка в Вугрушкех на реце на Бузе, 4 мили. А от Угровеска до Ганое пять миль. От Ганое до Володавы 6 миль. От Володавы до Берестиа 3 мили. Поидохом же из Берестиа месяца августа в 4 <sup>12</sup> и приидохом в Каменец. А от Берестиа до Каменца 5 миль. А дрѣжить князь Сендушено, а река Илцена, а смотрит. <sup>13</sup> || От Каменца до Новаго двора л. 134  
 10 миль. А оттоле до <sup>14</sup> Порозова 2 мили. А от Порозова до Волковыйска 4 мили. От Волковыйска до Немна 5 миль. От Немна до Василинска 5 миль. От Василинска до Радуни 5 миль. От Радуни до Рудников 7 миль. От Рудников до Троков <sup>15</sup> 5 миль. А от Лва до Троков <sup>16</sup> 100 миль великих, врѣст 500. И приехали есма в Троки августа <sup>17</sup> 11 <sup>18</sup> в четверток. А ис Троков поехали есми в субботу <sup>19</sup> 13. <sup>20</sup> От Троков до Вилны 4 мили. И поехали есми от Вилны в Торнок августа <sup>21</sup> 16. <sup>22</sup> А от Вилны до Медников 4 мили. От Медников до Шмены 3 мили. От Шьмены до Крева 5 миль. От Крева до Маркова 3 мили. А от Малодешня до Каменца Краснаго, села Дока, <sup>23</sup> 3 мили. От Каменца до Анны 5 миль. От Танны до Логожска || 2 мили. От Логошьяска до Борисова до реки л. 134 об.  
 до Березыни 8 миль. От Борисова до Дрютска 18 миль. От Дрютска до

<sup>11, 1</sup>Нет М. <sup>2</sup>Испр. по М.; в ркп. де. <sup>34</sup> М. <sup>4</sup>Испр.; в ркп. Вольвова. <sup>5</sup>Доб. в М. <sup>6</sup>Доб. день М. <sup>7</sup>Июля М. <sup>8</sup>Испр.; в ркп. Рубешева. <sup>9</sup>Доб. в М. <sup>10</sup>Доб. день М. <sup>11</sup>Доб. день М. <sup>12</sup>Доб. день М. <sup>13</sup>Испр. по М.; в ркп. смотрич. <sup>14</sup>Доб. из М. <sup>15-16</sup>Нет М. <sup>17</sup>Доб. в М. <sup>18</sup>Доб. день М. <sup>19</sup>Доб. августа в М. <sup>20</sup>Доб. день М. <sup>21</sup>Доб. в М. <sup>22</sup>Доб. день М. <sup>23</sup>Нет М.